

NĚND'ĀTA

Éi tōrnâ à pachâ
Bâ é amû p'a gran vey
Ěn vouajin à bon pâ
Dejô ömbra di tey.

Îre ïnquye ěn déotâ
É éi pâ yû oûna dzin;
Chon tchuî vîa chatâ
Û běn gagně d'ardzin.

I trafî che devĕrye
Oeûtre-ěn séi p'a gran rōta
É p'a plàcha di quĕrye
É dû běi d'a rebōta;

Bâ p'é tsan de Tsamplan,
P'é Cârte de Chornâ;
Bâ réi é mei dzin plan,
Y a pâ tan à chatâ.

Û běn pe hlà stachyon
Mĕhlo avou'é mûchyû
Di bâ pe Tsamandon
Tan qu'à son Prâcondû.

I véâdzo che moûre
An vindû é racâ;
Chöbron é meyjon poûre,
É tey debatĕrnâ.

Y a rin qu'amû i Borne
Qu'ouchey càquye coutéi;
Dœutrĕ da böna pyörna
Vînyon che chetâ réi.

Pâ mânca d'oun salon,
Pâ tan de complemin;
Chon běn chû de belon,
Dĕscoûron aéygramin.

Chon brâmin oeûtre û tin
Y an tan de chûinî;

Da plôdze, dû byô tin
Pàrlon darî o garnî.

M'aréito méi qu'oun âdzo;
Chin me refé o cou;
É to i vyô veâdzo
Que trûo avouë lou.

Ché di Borne (Chanoine Marcel Michelet 1906-1989)
Texte adapté en patois de Nendaz selon graphie du dictionnaire du patois de
Nendaz par Maurice Michelet